

南籠府志複製說明

「南籠府志」，八卷，外首末各一卷，清乾隆二十九年南籠知府李其昌纂修。現據湖北省圖書館藏傳鈔本複製。

複製時除校正其中明顯的錯別字外，並據北京圖書館藏本所攝膠卷、貴州通志、興義府志及南籠續志等對有關文字進行校正，凡經校改之字，均在該字旁加列註次

南籠府志

複製說明

一一

，編入書末附註中，以便參考，請讀者提出意見。

承湖北省圖書館借給藏本，謹此致謝。

貴州省圖書館

一九六五年七月

南籠無志也地落荒陬苗
多蠹蠕歷以羈縻外之統
歸梁州南境無可志亦不
必志也洎乎前明分戍置
屯設衛所於陵元之堡始
曰安籠嗣是以還人雜漢

南籠府志

自序

一

葬地近衣冠歷二百餘年
宜若有可志者乃割隸無
定風物可知山川雖猶是
也而有苗未格難成大禹
之謨稽黔志於子章亦屬
筆終未及矣洪惟我

朝文德誕敷遠人來服自古
不臣之地莫不喁喁嚮風
屬在南籠又其

聲教所先訖者改廳建府以
來定田賦設膠庠舉侏離
獷悍之習廓而清之百年

之氣象維新

一人之經綸丕著也昌恭膺

簡命來守是邦雖稽往事未有
成書履新阡而經界綺錯

臨類璧而雅藻芳流其間
象野之拱於長山澤之奠

於位城郭之固吾圉區域
之畫乃封歷歷可徵恍若
圖呈在目矧乎式孝友之
閭其人可作綽節義之楔
厥事如生無曰邊隅有足
多者是可知南籠之無志

以無可志也今之風土人
物較諸往昔若開草昧而
啟鴻蒙風氣協天時物隨
化按百餘年休養薰陶之
情事而臚列之將以占天
時考封域稽澮畝明官常

別貞淫刺奢儉察機祥昭
信守悉具於是無事附會
遠搜徒落捨擗者猗歟休
哉從古羈縻之屬歷無可
志者而今志之且必志之
者何也蓋志者志其實也

實之不存志將焉屬故昔
之風土人物無可志而今
志之且必志之實以志

盛朝至治之實云爾由斯以

談昌是以不揣無文竊取

周官外史氏之意據事直

書以附文獻之末而南籠
於是乎有志

乾隆二十九年十月上浣
賜進士出身朝議大夫知貴州
南籠府事前保寧府儒學
教授選江西峽江縣調任

南籠府志

自序

六五

新建縣知縣陞吉安府蓮
花廳同知壬申己卯庚辰
三科江西鄉試同考試官
成都李其昌漣溪甫撰於
署東之老桂軒



南籠府志目錄

知府西蜀李其昌敬伯輯

卷之首共二十五篇四千二百六十八字

序文 目錄 凡例 輿圖

卷之一共五篇一千一百零六字

天文志

星野 氣候

卷之二共二十一篇四千九百四十五字

南籠府志

目錄

七一

地理志

沿革 疆域 形勝 山川

關梁 土產 場市 風俗

苗類

卷之三共七篇一千五百八十八字

賦役志

戶口 田賦 積貯 俸工

賑恤

卷之四共十一篇二千五百二十九字

營建志

城池

公署

學校

壇宇

書院

坊表

倉儲

塘汎

卷之五共十五篇三千零九十一字

秩官志

官制

文職

武職

卷之六共十二篇二千二百九十四字

南籠府志

目錄

八二

選舉志

進士

舉人

武舉

選拔

貢士

例授

行伍

卷之七共十一篇二千六百二十九字

人物志

孝友

節婦

耆年

隱逸

流寓

卷之八共十七篇四千三百三十九字

藝文志

奏疏

附詩

卷之末共五篇

九百四十二字

附外志

祥異

苗患

寺觀

明末遺事

南籠府志

目錄

九三

南籠府志卷之首

知府西蜀李其昌敬伯輯

凡例

一南籠在昔設所猶隸於滇南改廳則屬於安順故風土人物以依附而未真即缺遺其奚惜欲登記載考核維難乾隆初年始列府治於通志按籍得以參稽然多統四屬以立言究至一郡之未備良以文獻無

南籠府志

凡例

一

徵亦無怪其略而不詳也今所輯者原本通志兼採周生於岐之紀略而附以見聞分八綱以統衆目事物以類相從卷首列圖末卷外志為昭志理而道常經之鄙意云爾

一通志列輿圖於地理一門似也而志理殊覺未協蓋圖在一省則規一省之形圖在一郡則規一郡之形約數百里數千里於

尺幅方寸之中上以占天文之躔次下以
察地理之鍾毓中以考人事之變遷古人
所云按圖而稽瞭如指掌者此也況志中
所分之門類皆圖中所列之事情圖若雜
於冊腹則開卷未得其形閱志亦茫然無
所據故為首列不獨昭志理之宜且俾披
覽者一郡之形概已先得於心目間也

一通志列祥異於天文一門而所紀載者以

麥歧芝產等類為祥以饑饉水火等類為
異此故天兆之地承之而人事以應之也
乃獨歸之於天則不可語曰和氣致祥乖
氣致異此豈盡屬天之事耶惟志而外之
蓋不缺其事且以明其理人之戴天履地
者按往事而驗得失不以祥為可恃能以
異為自傲則外志之又未始非內省之一
助也至星野氣候本通志而參酌之管窺

之見以俟明於天之道者為之確定焉

一南籠之沿革悉本通志而於疆域形勝等類獨詳之昭其實也苗夷列於地理明所生也其種類習俗為備著之徵向化也至於山川形勝中撰為十景八景之說凡屬郡縣皆然東西塗抹附會摭拾近於村俚何以式觀固寧無取

一賦役全書刊載悉備惟戶口則有滋生田

南籠府志

凡例

三三

畝則有報墾是又因時而異者今則悉遵編定之額數登入志乘以備稽考至異日新增永協震魚旒旗之休則俟來者之補輯焉

一通志所載南籠之營建以廳之舊制言也論城池則規模狹隘僅存雁字馬跡之形而公署學校等類半落荒郊更屬簡陋殘缺今則舊制增濶補葺重修已屬煥然一

新矣俱為詳記靡遺以見經營於始者當
思永建而勿替也至寺觀列於營建則屬
通志之失夫壇宇以申崇報典至重也仙
宮梵室類皆衆室力觀成亦何與於營建之
事而並列之耶且二氏之學無益於人而
最易惑人顯斥之無以見王道之大並紀
之何以昭異端之攻今則志之而實外之
使之各深猛省久而自息亦未始非挽回

南籠府志

凡例

風氣之一助

四
三

一 文武分職首重賢能果屬政績茂著俾人
愛而傳者應為立傳大有功德於民堪勒
鼎銘彝昭垂千古者則為名宦南籠在昔
割據依附官斯土者豈無甘棠遺愛而文
既不足獻亦無徵存什一於千百節取之
亦屬紀載不遺未有治績蒸蒸饁人心腑
光增俎豆者崇德報功之典請以俟諸繼

起惟里居資格去來年月或擢去而歷官所至可考者並書之以備異時參稽焉至若署篆之員既拜揚於

王廷似與

簡命是邦者有間未便一例採入

一人固以科名重科名實以人重也南籠雖僻在邊隅學校興而人文蔚起科名不亞他郡實為

南籠府志

凡例

四五

國朝育才之盛事志則備紀其里居爵仕卽例授與庶人在官者亦所不遺而糾糾武夫風詩且重干城之選並志之凡此非徒為閭里之榮實邦家之光也顧名者可思其義矣

一 人物首重鄉賢及儒行忠節孝友之士而文學次之揚衆美而寓獎勸也南籠雖屬荒隅人物未備而友愛節孝者已大有其

人語曰十室之邑必有忠信不洵然歟有志之士當思益懋厥修學為全人以備將來採輯毋患名之不著也至孝友以詳請有案者輯之而節婦與耆年則以題旌之年分先後為次隱逸流寓允協鄉評者並附焉凡以昭典型之權輿云

一藝文之門類繁多取裁亦甚不一故登是選者即通都盛邑亦難大備姑無論其立
南籠府志

凡例

六
五

言者氣往鏢古詞來振今也降格以求亦必採其有關於斯地之政治風俗人心山川景物者匪是寧缺是以志中開是門以待後之登進焉

一志以外名者以事蹟隸於南籠採入正志則名類不倫故外之其義已詳於序例至明末遺事備著史帙桂王由榔駐札南籠靖難十八人墓蹟猶在是亦不可泯沒者

故併紀之以附於志末

一南籠改廳設府沐

盛朝之化百十餘年尚未輯有成書官師之擢去靡常文獻之凋殘可懼余自蒞任以來亟圖纂輯博採風聞廣咨遺老筆削之權不敢假手他人雖自媿不文祇求達意而止然此僅志府治親轄之風土人物耳二州二縣之事筆俱未及普安州已志於乾

南籠府志

凡例

七
六

隆二十三年雖煩減未宜而事蹟披卷可考永豐一州安南普安二縣俱未成書倘同志者各志之謬以余之府志冠於首則全屬之風土人物庶幾悉備後之取徵於南籠者不致歎文獻之不足也真西山有云為此邦之吏治者不可無此書深有味乎其言矣記纂事於甲申秋月桂菊之香

豔爭颺筆墨之起訖觀成雖極採搜恐多

遺漏輯而補之是在後之君子

南籠府志

凡例

七八

南籠府志卷之首

知府西蜀李其昌敬伯輯

輿圖

全府州縣驛道本府城池公署

全府州縣水道

志以言傳圖以象告以言傳者披文考義數
千年之事始悉以象告者按形縱目數百里
之狀可知古王會有圖職方有圖隋大業中
今天下郡縣皆繪圖以獻良有以也南籠為
古荒服夷疆唐宋以來漸通中夏明始據有
南籠府志

輿圖

一

其地而疆域參差邊隅零毗時隸滇時隸黔
版籍無定輿圖未輯

國朝定鼎之初改安籠所為廳屬於安順雍正
五年改廳設府分安順府之普安州普安縣
安南縣並割廣西泗城府紅江以北之地為
永豐州屬於南籠一府之規制始全而圖亦
列於通志然羅斛分設州判原屬永豐之地
以遠於南籠近於貴陽乾隆十四年改隸定

番州是圖之東隅非復府有按圖以稽又多
未確矣今之所繪者裁之規全府之形勢為
總圖犬牙相錯以一線鈎勒俾其界限昭然
而驛道以重郵政水道以資農功更列府之
城池公署以照體制則全府規模較若聚米
矣傳曰經文如化工史文如畫筆觀是圖者
知幅輿之險要而守之因俗為治變通宜民
則畫筆之中又何在不寓化工也

南籠府州縣
並驛道全圖

南籠府志

安順府之歸化廳

貴陽府之羅斛

廣西南

順安府之郎岱廳

大定府之水城廳

雲南宣威州

雲南益州

永寧州之鐵鎮橋

安南都那驛
普安州地

白沙驛

安南縣

土寨驛

普安文侯

普安州之新寧城

永豐州

永豐州之冊亭

南籠府

官吏驛

普安州

普安州之亦資孔

普安州之黃草垠

府屯

府屯

平彝縣

滇南勝境

普安州之捧棹

西

雲南羅平州

廣西

營陵隆八達隆州

西隆州

南

西隆州

泗城府

南丹州

輿圖


三

元

南籠府州縣並驛道全圖說

繪南籠一府二州二縣之圖其位置之大局是矣即極犬牙之相錯亦可彷彿其形似乃有彼此不相聯絡之地如府之五屯遠在普安州之南而普安州之白沙一帶地廣百餘里又隔絕於普安縣之北一安南縣也不獨普安永豐二州及普安一縣之地星羅碁布于其中即安順之永寧州如花江等處又隸於東隅之內類如斯者各州縣亦難細舉欲肖而圖之詎尺幅中之筆墨所能盡繪者乎故曰其位置之大局然也至驛道之自北而西那都田為安南縣之驛偏踞普安州之北隅白沙則借普安州之地而為普安縣之驛上寨官屯亦資孔屬普安州之二驛其道曲折於三百五十里中上下之應接如此而府州縣相通之道亦可按圖而稽矣

南籠統轄水道全圖



黃水自宣威入

黃水河

毛口渡

古盤江

九盤渡

清水江

東

歸化水

東清水江

香香

北

南

西

紅水江源於羅平州

上江

中江

江下

西陸州紅水

南紅水江在香香相合處

拖長江

上沙陀

赤窰孔

普安州

庚戌河

泥溪

黃草堤

捧棒

馬別河

都威河

普安縣

西寧河

新州

安南縣

黑洞

巴林河

永豐州

籠納溪

魯清河

南籠府

册亨

線海

南籠府

三

南籠府

輿圖

五

南籠府州縣水道全圖說

論水道於南籠可云環郡皆水也其由西而北者則有拖長江發源於普安州之上沙陀漸分滇黔之局更入雲南宣威州之水為黃水河界實判乎大定自北而東名為盤江入永寧歸化之水為清水江又直分安順之地至於永豐州之者香與紅水江相會其自西而南者有紅水江源於雲南之羅平州滇黔之界猶初判也自三江而下則黔粵之地南北中分東合清水江穿西粵達東粵而入于海古稱盤州地殆彷彿此形勢而言歟至于合郡之中山下出泉千支萬派則涓滴難名第即其溜而為溪滙而為河周一府之全形如血脉貫通有可名稱者窮其源溯其流繪之於圖以昭灌溉之實若夫水之外皆山也非靈峰峻嶺更難形狀故不列於圖焉

南籠府親轄輿圖說

南籠親轄之地東西里至百二南北少二分
為三里近城週圍二三十里之地為安仁里
昔之屯田也東南鄉為懷德里西北鄉為永
化里則屬昔之十八寨安仁里之地雖近府
城亦相錯於各寨之中圖難繪其里界而懷
永二里之十八寨今則一寨分為四五十小
寨不等止考其寨之大者詳著方位於中俾
按其圖可知各寨遠近之情形也至府轄之
五中今分為六如魯鼠科佐喇坡那岔那必
花閣者遠屬普安州之黃草埧圖中又難包
舉矣為附其名於說以昭府治之全焉

南籠府志卷之一

知府西蜀李其昌敬伯輯

天文

星野
氣候

七曜經天文周禹服五行緯地道備夏時良由
懸象著明氣令旁敷不以經紘徼塞間也南籠
為黔屬西隅斗柄指而歲時寧異中星見而昏
旦無差職斯土者實有無敢戲渝無敢馳驅以
上協天休而保茲黎庶於不忒則氣淑風祥瘴

南籠府志

天文

一
七

消癘靖異時太史奏五星之聚司農書大有之
年占事知來斯土實操其左券故首紀星野而
附以氣候焉

星野

黔越在荒服保章氏所未載郭子章黔記曰黔
地連楚蜀總之不出鷄首鷄尾火鷄尾之次又

曰星經載熒惑主荊州主輿鬼柳張黔實近
荊州屬鬼柳似近之

衛旣齊志曰黔古無分野之說一統志以宣慰
司今貴陽府普安州為參井銅仁為星黎平為翼
軫沈志則以貴陽安順南籠大定遵義為井
鬼而以銅鎮思黎為柳分

星經曰熒惑主輿鬼柳七星張翼軫鎮星主東
井太白主奎婁胃昂畢觜參

黔中分野圖以貴陽安順南籠都勻平越大定
遵義屬參井鎮遠思州石阡思南銅仁黎平

南籠府志

天文

二
六

屬翼軫又曰黔近荆梁分翼軫參井之餘考
核為最精以上俱見黔省通志

滇南星野屬參井

粵西星野屬鬼柳

星野之說有二一主地之方位一主星之光氣
是也而地有山川封域之分星有躔度次舍
之別方位有定也光氣無定也執一以論毫
釐千里配合誠難合觀黔與滇粵所載分野

之說子章以鬼柳為近似一統志以宣慰司
普安州為參井滇南亦屬參井粵西則屬鬼
柳按星經熒惑所主之說則南籠界滇粵之
交彷彿為井鬼之餘次乎天文之理渺而難
知雖甘石復生不能齊今古於一軌況管中
測窺欲無差舛抑更難矣然一隅之區皆屬
天之所覆圖則易失象自不遺為約畧紀載
以俟明於天之道者

南籠府志

天文

三
元

氣候

南籠南近粵西近滇氣候熱多而寒少每春夏
之交陰雨初霽嵐氣薰蒸中人如瘧有頭疼
胸憑脾瀉諸症

見通志

南籠二州二縣氣候亦自不同蓋地處土瘠氣
沴候愆嵐氣上蒸膚寸之雲即能致雨又復
山高箐深虧蔽日月一日之間乍寒乍暖百
里之內彼燠此涼固不可以中州例亦不可

以他府例也

普安州西北鄰滇南則鄰粵鄰粵之氣候即異於鄰滇之地西北寒燠不較甚故田功之播種納稼稍遲南如捧鮓三江口較熱冬少甚寒多瘴癘之氣其播種納稼獨早普安縣介州之東氣候似州之西北田功亦屬相同

永豐州割廣西泗城府西隆州江北之地隸於南籠紅江一帶如王母長壩瘴癘之氣甚毒

南籠府志

天文

三四

州城及冊亨次之氣較熱冬少甚寒故候隨氣異三月播種四月插禾七八月納稼田功獨早與捧鮓三江口相同緣滇西粵故也

安南縣在郡城之北普安之東山高氣寒故播種納稼田功又稍後於郡縣而盤江一帶如毛口鐵鎖橋夏秋之間熱氣酷蒸懣人如瘧是一縣之中其氣候不齊如此

南籠親轄之地縱橫百有餘里居於二州之中

西北遠接普安東南近連永豐山倚碧空迥
無綿亘之勢地環翠麓大有疏通之形故曰
暄風解瘴癘亦覺潛消盛夏無酷暑嚴冬亦
少祁寒田功則三月始犁四月播種五月插
禾八九月納稼因氣候之小異而田功與二
州有同不同如此至云嵐氣薰蒸中人如瘴
間亦有之則又在乎人事之調服矣

南籠府志卷之二

知府西蜀李其昌敬伯輯

地理沿革

疆域 市場

形勝 風俗

山川 苗類

關梁

山國初開遠稽實昭乎近守苗疆專治因地莫要於隨時匪知興替相沿方域固猶是也何以移易風暢風土可或非歟南籠古落荒陬今釐版籍為創為因為革歷代可徵隸滇隸粵隸黔茲郡兼備疆圉由錯分而綺合形勢更屬雄殊

南籠府志

地理

一
三

民苗自革故而鼎新俗產寧無遞異故碧峰翠麓皆取材之資而海滙泉流為挹注之利倚約亦關王政且待題柱於仙橋商賈既聚日中猶徵揖讓於槐市雖曰邊服寧異夏區凡屬地之所宜皆為理之所寓因悉紀載以俟採覘

沿革

南籠總部唐虞梁州南境殷為鬼方周為靡莫秦夜郎地漢牂牁郡蜀漢興古郡唐為盤州

宋于矢部元為普安路明設安籠守禦所正
統三年隨普安衛改隸貴州屬安順

國朝康熙二十五年改安籠所為南籠廳仍屬
安順設府自雍正五年始

通志曰南籠府禹貢梁州南境秦以前為夜郎
地漢為牂牁郡地蜀漢為興古郡地唐為盤
州地隸戎州蒙氏叛唐其地為南詔東鄙東
蠻烏蠻七部落居之其後蠻酋阿宋逐諸部

南籠府志

地理

二
三

據其地號于矢部元至元十三年改屬普安
路隸雲南行省明初為樞鉢寨陵元堡洪武
二十三年設安籠守禦所弘治十一年普安
夷婦米魯叛廣西安隆土官岑軾助兵討平
之割安籠所三十六寨之阿能等十八寨以
賞其功隸廣西萬曆四十三年阿能土目三
狼殺安隆土官岑峰其子光裕請貴州兵討
誅三狼仍以賞功之十八寨歸隸貴州

國朝因之康熙二十五年改安籠所為南籠廳
移安順通判駐其地雍正五年改廳為府以
安順府之普安州及普安安南二縣來屬又
以廣西泗城府西隆州所屬紅水江源以北之
地設永豐州隸府共領州二縣二

按通志所載南籠歷代建置以府治統轄之沿
革言也今考南籠建城之地古為陵元堡明
設安籠守禦所於此其櫺鉢寨在城西七里
山有九峰昔為黨類賴子山墜九峰住九頭
目又名九頭山寨基可考茲特註明

南籠府志

地理

三

按通志云弘治十一年普安夷婦米魯叛廣西
安隆土官岑軾助兵討平之割安籠所三十
六寨之阿能等十八寨以賞其功隸廣西萬
曆四十三年阿能土目三狼殺安隆土官岑
峰其子光裕請貴州兵討誅三狼仍以賞功
之十八寨歸隸貴州所云十八寨即今南籠

親轄懷德永化二里之地

疆域

南籠府在省城西南隅以府統轄之里至而論
東至貴陽府羅斛之桑郎界四百里南至廣
西西隆州之紅水江五十里西至雲南平彝
縣之滇南勝境四百二十里北至安順府郎
岱之毛口河二百五十里此四方之里至也
○東南至廣西南丹州紅水江之者香三百

南籠府志

地理

四

九十里西南至雲南羅平州之江底二百四
十里西北至雲南宣威州之拖長江四百二
十里東北至安順府永寧州之盤江二百八
十里此四隅之里至也。東西廣八百二十
餘里南北袤四百餘里此幅員之廣袤也。

府城東距永豐州城九十里西距普安州城
三百十五里西距普安縣城二百三十里北
距安南縣城二百二十里距省城五百九十

里距京師八千二百里其六距之里數如此
南籠府親轄里至其四方則東四十里至府轄
之打牙場與冊亨之坡賴接界南三十里至
府轄之石門坎梅子口與冊亨之三指溝接
界西九十里至府轄之龍廣與普安州之顧
屯喇坡接界隔顧屯七十里近黃草壩為府
轄之五屯地方府城至屯一百六十里北七
十里至府轄之花韋黃近冲與普安州之羊
南籠府志

地理

三五

場接界。其四隅則東南四十里與冊亨之
冗保接界西南七十里與冊亨之壩榜接界
西北三十里與普安州之坡妹_三接界東北六
十里與永豐州之上者黨接界左連府轄之
籠納山外與安南縣接界。其幅員東西廣
一百三十里南北袤一百里

形勝

南籠滇南門戶古竹藩籬扼馬乃之要衝接思

田之右臂見通志

南籠統轄之幅員雖廣而周圍更屬險要拖長江界滇黔於西北匯黃泥河而南為盤江水色清又名清水江分大定安順之界而合於紅水江滇黔之分於西南者界以清水江由三江口至底江而東為紅水江劃開黔粵之地與清水江相合直達西粵之東水既合抱山復垂條結繁於其中東界羅斛桑郎之山

南籠府志

地理

六
三

為隘要西分滇南勝景之山為鎖鑰毛口盤山雄距於北石門坡底扼險於南此古盤州一大局也昔以倚傍瓜分未擅西南之勝今則截補鱗聚獨成籠郡之形為邊隅之要區實上游之重鎮

南籠親轄之形勢也城跨山腰半踞平陸登龍山而高望真有俯視一切之慨而壕侵綠海固若金湯魚躍洞前玉屏素側非徒為遊觀

者壯攬勝之目也矧南北百里東西百一中
諸如九峰如蓮雙山擬鳳興隆通一線之天
籠納障半霄之雲一邱一壑俱饒佳致有難
以名狀者又復環籠而據勝耶

山川

龍井山在城內東隅三峰聯聳峭插碧空上有
洞週數丈許其深莫測墜以石寂然無聲名
曰天坑中峰下有泉水湧如珠名珍珠泉味
南籠府志

地理

三七

清冽足供郡城之飲餘溢外壕田圃資其灌
溉即東龍井故山因以得名

桅杆山在城內南隅聳秀卓立高出羣峰肖其
形以名之為郡文星云

將軍山在城東五里挺然特立威嚴雄壯羣山
儼為統制故名

興隆山在城東二十里舊名坡疊山四面巉岩
惟鳥道一線盤旋而上至半山巖下突開一

縫濶三四尺人從中過百餘步始至山頂建有興隆寺

馬嘴山在城南五里形如天馬凌空首有大石中破如口似仰張笑天之狀

銅鼓山在城南三里有大石方圓數丈高二丈許上下俱大腰畧細狀如銅鼓

雙山一名雙鳳山在城南三里雙峰對峙形勢翼然儼如鳳翥

南籠府志

地理

八

金星山在城西半里崑岷聳秀孤峰特立上建梓潼閣有脫穎而出之狀

九峰山在城西七里週圍十餘里高約二里上分九峯中有水泉田土昔為柵鉢寨

牛角山在城西二十里於巉巖崿嶺中雙峯特起形如二角對生

天榜山在城西北半里延袤峻嶺中峯巒特出峭壁嵯峨高數百丈上有古剎

萬壽山在城北半里峭峰逼漢樹木蒼森上建
萬壽宮為遊觀之勝

玉屏山在城北一里一字平岡方形特聳學宮
對照為文屏寨山云

籠納山在城北七十里自普安縣境抵永豐西
北綿亘數十里叢林密箐中有一溪源深流
長灌田數千畝相傳山中瓜果之屬人可食
不可携去携即不得歸路

南籠府志

地理

九
四

北海子在城東北環繞滌洄上抵北關下連綠
海延袤十有餘里春冬水涸九曲形留海坪
寬濶可牧牛馬為南籠之魚藪

綠海在城東北十里眾水所歸深數丈濶數里
水色澄綠四時不改

澈處海在綠海之東中隔崇山綠海之水由石
洞暗滙於此週圍可二里中有小山為澈處
寨相傳寨民捕得大魚闔寨分食是夜地沉

為海水淺時猶見山頂墻垣之形

以冲海在城西南四里深不可測旁有竇水注而入如尾閘

都威河在城西三十八里濶四丈許源於普安州滙於鍋背海潛流數十里入紅水江潭深
水碧魚最美漁人冬取之以為利

卡子河一名魯溝在城北五十里濶可五丈發源於普安州之魯土曲繞阿棒又名阿棒河

南籠府志

地理

四〇

達於永豐

籠納溪在城北七十里濶數丈源於安南注籠納山泉之水而成溪灌田數千畝入永豐

東龍井即珍珠泉在城內東隅其資飲灌漑詳於龍井山註

西龍井在城西半里出於西山之麓泉色清味甘冽滙溢西流

觀音洞在城西半里水由洞出極清冷洞中垂

一石笋色白形如掌俗呼為觀音手

蝦蟆井在城北十五里井上有石仰面向人如
蝦蟆狀

躍魚灘通志名躍魚洞在城北門外海邊有石
數條長丈餘形如魚昂首向城宛躍龍門之
狀

招公堤在城外東海中 國朝游擊招國遴以

水無關鎖捐千金築石堤高濶一丈許上建

南籠府志

地理

二

亭臺雜植花柳後圯僅存遺址乾隆二十八
年紳士捐金葺之堤成

關梁

石門關即地名石門坎在城南二十五里兩山
夾東形勢險要為通廣西大道

卡子隘在城北五十里兩岸高山魯溝中斷石
徑盤曲亦屬要津為通省城大道

天生橋在城東里許兩岩相接下空丈餘高十

丈樵採者所經由焉

化龍橋在城北半里架石為梁中空五洞建於躍魚灘之海上故題曰化龍

都威橋在城西三十里通滇省大道乾隆六年本郡任永從縣訓導李承綱建橋不另名以河之名名之兼志其地也

王公橋在城北五十里為通省城大道雍正十二年知府王元烈架石於魯溝河中空三洞

南籠府志

地理

三

以利行人

土產

穀之屬有數種以粘名者則有黃白黑之分以毛名者亦有黃紅黑之異早稻色白旱稻色黃其糯穀有黃紅二色為釀酒之具有紅稗產子之屬其粒甚細米可為飯種於高地皆可資食之不足者

麥有大小二種又有燕麥俱熟於五六月收之

成麵以充餅食可濟穀之不足其蓋莖赤花
白子三棱莢於春秋每歲二收麵可食山
麓之土多種之

豈有黃黑二種其顯大又有顯小色雜黃紅黑
者名為飯豆熟之合於飯為佐食之需至于
蠶豆豌豆豈山田間亦種之油菜蔬蔴之屬子
可為油亦時種植

棉可織藍可染山地間亦種之至於蠶絲則非

商籠府志

地理

三
四

土之所宜矣

蔬之屬菜有青白二種薑芥莧茄韭薤蒜葱芋
菠苳芹則隨時而出蘿蔔四時皆有味甘脆
瓜分王瓠東南絲苦之類皆植園圃非同歲
笋之出於山也

菓則梨有數種以雪梨為最桃有臙脂黃蠟白
蠟之名李杏櫻桃栗榴枇杷山杏花紅之屬
皆為土之所宜餘則雖植之不能成實

花之草本春有蘭秋有菊而香葵海棠則麗於
夏秋之交金鳳玉簪雞冠鶯粟又與水仙而
矜豔矣

花之木本牡丹麗夏丹桂香秋梔子綉球棠梨
木槿石榴紫荆之屬應時吐蕚餘則非其地
之所宜

木有松栢杉楸白楊青柳香火皂莢槐楮冬青
之類皆植之為取材之資至山箐雜木又難

南籠府志

地理

四
壘

以名狀矣

竹分莖粉亦有苦椽之名紫竹種於園亭茨竹
生於山箐至棕竹之堅秀可作器械又其最
美者

禽有鴛鴦鶉鴝翡翠鷓鴣鴝鵒鴝鵒竹雞水鴨
至文雉俗呼野雞鳴鳩俗呼啼班而鴉鳴兆
兇鵲鳴兆喜則稱說皆然矣

獸則豹麋麇兔野狗野羊之屬見於山箐至熊

虎豕鹿則際太平日久間有之非常物也

魚之鯉也鯽也白鯿黃鱔與鮠鮓鱧也人皆取於河海而蟹蝦螺蚌與夫龜鱉介之類也亦間有焉

蟲之屬螢蟬蚊蝶蛇蚓蜈蚣蜥蜴蟋蟀蜻蛉蜘蛛螻蟻蒼蠅水蛭蝙蝠多與他方同

場市

府城東門外為鼠場其地無房屋貨自露積以

南籠府志

地理

五
吳

每月逢子屬鼠之日商賈民苗按期而至交易而散故場以鼠名也各場俱倣此

府城西門外為馬場以演武之教場為場其地寬敞每逢午日貨物雲屯較鼠場為更盛

打牙場在城東四十里每逢己戌日為場集之期

硬溪孔場在城東南二十里每逢寅申日為場

集之期

落溪場在城東北二十五里每逢辰酉日為場
集之期

萱哈場在城東北五十里每逢辰亥日為場集
之期

平寨場在城西南十里每逢卯酉日為場集之
期

木咱場在城西三十里每逢辰亥日為場集之
期

南籠府志

地理

卷六

馬鞭田場在城西五十里每逢寅申日為場集
之期

龍廣場在城西八十里每逢卯酉日為場集之
期

魯溝場在城西北五十里每逢未日為場集之
期

普坪場在城北四十里每逢巳亥日為場集之
期

皆邑場在城北六十里每逢寅未日為場集之期

阿積場在城北七十五里每逢戌日為場集之期

風俗

南籠通志曰士安絃誦農樂耰鋤又曰地闢民聚化行俗移其大較然矣至親轄之地土瘠民貧歷安布衣蔬食冠婚喪祭不尚奢華近

南籠府志

地理

七
只

則風氣日開習俗易變苟不安於儉樸則靡麗之竇緣生夫民情之從於君上者謂之風民習之繫於水土者謂之俗振其風一其俗以上追於淳龐者伊誰之責歟是在士為民先而守斯土者之任也語有之習俗移人賢者不免然舍賢者則無所望免矣蓋習之惡也其初一二人倡之已而成風焉移而之善豈不亦一二人賴之乎士君子居鄉能為倡

者而已待人之倡其何日之有故曰士當先
之也至賈父之稱蒲亭之化汝陰之歌可考
未可曰此荒服邊夷竟無知感者

苗類

黔之苗種類不一而隸於南籠者普安州則有
猓羅狝家獮人焚人之類普安縣分治於州
苗類相同安南縣則止狝猓二種永豐州皆
狝家也在南籠親轄之地狝苗居十之八九

南籠府志

地理

六
兇

而猓苗十之一二焉狝家為苗中最黠者性
本貪殘情多狡詐在昔佩刀挾弩伏莽搶竊
是其長技今則向化畏法佩刀挾弩之習全
除而鼠竊狗偷之性猶未盡改男苗薙髮已
久頭纏青花布巾衣則漢裝通漢語者不知
為苗人也惟婦女服飾仍沿舊俗椎髻長簪
銀環貫耳項掛銀圈以多為榮衣短裙長色
惟青藍紅綠花綉為緣飾裙以青布十餘幅

細摺鑲邊委地數寸腰以寬長花帶數圍結
於後帶垂若翅然俱能紡織以供衣服其俗
每歲三月初三宰猪牛祭山各寨分肉男婦
飲酒食黃糯米飯苗語以是日為更將猶漢
語呼為過小年也三四兩日各寨不通往來
誤者罰之六月六日栽插已畢其宰祭分食
如三月然呼為更六兀漢語曰過六月六也
男婦病不信醫用巫禳之其巫名曰報暮死

則火化今知用棺瘞矣婚喪一踵陋習苗簡
從事男婦性嗜酒每逢場集三五成羣必醉
而歸亦積習然也猓羅名雖一種有黑白之
分貴賤之別黑猓為大姓為貴白猓為小姓
為賤一切婚嫁貴賤不相紊也性鷲悍尚氣
盤馬射獵挾鏢試準在昔云然今則向日
久已無好武之習其心忠直戀主雖改土歸
流數十年來猶聽土目之子孫約束以開山

種土畜牧為生計儉樸成風鮮有盜竊裸男
薙髮以白花布巾纏頭衣同狎民婦女長袍
長裙銀環貫耳髻首稍異狎婦俗則三月三
六月六信鬼尚巫刻木示信又畧與狎苗同
矣按此苗民在昔為土目之佃人亦即土兵
也分地而耕納租於主者是為公田其餘衆
苗通力合作土目按畝收利者則屬私田自
改土以來其公田已入糧冊而私田存於土

南籠府志

地理

三

目為口食之資苗民耕種糧田輸納而外出
穀一二斗於土目是主佃之名猶存也懷德
永化二里之情形如此至安仁一里為屯田
漢民主之苗民耕之其完租輸納又與二里
稍異總之苗民近於郡城者尚曉漢語催征
猶易在十八寨之狎苗則語言不通名姓難
辨惟有土目以統轄之寨把以分管之不獨
催征有着落而奸匪亦易於稽查但今之目

把即漢民中之鄉保然耳彼沿舊習虐苗民則不可而苗民有不聽其約束者官為整理之因人駕馭事得其平則地亦屬易治是在守土者勿以苗民為愚而欺之也可

南籠府志

地理

三三

南籠府志卷之三

知府西蜀李其昌敬伯輯

賦役

戶口
俸工

田賦
賑恤

積貯

賦因田定役自丁輸惟耕九餘三惠通王者之政斯用一緩二利普仁人之言乃如白著開於唐青苗起於宋民力竭矣其如箕斂何惟我

國朝溯則壤於禹貢稽九賦於周官酌舊制定

南籠府志

賦役

三一

新法賦薄徭輕俾任土作貢者咸安耕鑿澤至渥也南籠親轄之地遭時割據版籍無徵賦既不均役多偏累自改土歸流以來苗民皆糧民也均三里之田定四民之制清原額而減荒實徵之賦無紊按里戶以調庸載籍之役可稽以供輸將以備荒歉三時不害二課早完任使咸宜賑恤備至而苗疆得以永

靖者端賴乎此

戶口

南籠親轄之戶口原額一千四百四十四戶新
增戶口二百三十五戶

查原額人丁一千六百八丁內除節年清編抵
補外尚逃亡人丁六百三十五丁康熙三十
五年編審實在有徵差人丁九百七十三丁
原額徵丁差銀四百兩五錢五分內除丁逃
無徵銀一百七十四兩六錢五分康熙三十

南籠府志

賦役

二
西

五年編審實在有徵丁差銀二百二十五兩
九錢又三十五年至五十年增徵差人丁二
十四丁康熙五十年編審實在有徵差人丁
九百九十七丁實額徵丁差銀二百三十兩
九錢改徵米三百二十九石八斗五升七合
又康熙五十五年至乾隆二十六年編審共
新增

盛世滋生人丁二千零六十一丁永不加賦

田賦

南籠三軍民田原額上中下三則四萬四千七百九十六畝零荒蕪田六千二百六十九畝零實在成熟田三萬八千五百二十七畝零俱徵糧不徵銀

安仁里熟田四千八百八十二畝七分八釐七毫八絲六忽八微每畝徵米五升三合七勺三抄三撮六圭八粒一粟

南籠府志

賦役

三五

安仁里軍田二千一百三十二畝七分一釐七毫九絲九忽九微九塵九纖七渺每畝徵米三斗七升五合

懷德永化二里即十八寨三則田三萬一千三百五十五畝七分一釐八毫八絲四忽上則田每畝徵米九升中則田每畝徵米八升下則田每畝徵米五升

乾隆九年新墾田一百四十一畝三分二釐徵

米八石一斗五升一合

乾隆十一年新墾田一十四畝四分徵米七斗二升。以上成熟新墾共田三萬八千五百二十七畝零實徵秋糧米三千三百零九石六斗一升零合改徵米三百二十九石八斗五升零二共徵米三千六百二十九石四斗六升零俱存府倉支放兵糧除支放外每歲所餘秋糧米變價解道庫充公

南籠府志

賦役

四
貢

額徵地丁正銀二百三十兩零九錢雍正十年改徵米三百二十九石八斗五升七合此項仍徵銀買耗米抵補其銀作變賣耗米之價
批解

額徵地丁火耗銀三十四兩六錢三分五釐遇
閏加增徵銀一十五兩六錢

額徵鹽課銀一百八十七兩二錢此項銀兩原
於各場市鹽戶抽徵康熙四十二年改入三

里隨地丁徵收

額徵魚課銀一十二兩。以上火耗鹽課魚課同變賣耗米銀三百二十七兩六錢五分零俱屬批解司庫

積貯

南籠常平倉額貯米一萬七千一十九石三斗零

原貯額穀二萬一千五百四十六石三斗零折

南籠府志

賦役

五
吾

米一萬七百七十三石一斗五升零

重農案內穀三千一百九十六石折米一千五

百九十八石

積貯案內穀四千二百八十五石二斗折米二

千一百四十二石六斗

採買加貯案內穀五千石折米二千五百石

欽奉案內穀一十一石二斗折米五石六斗

以上共貯穀三萬四千三十八石六斗零折

米一萬七千一十九石三斗零

藉田歲收穀八石二斗每年變供祭祀

南籠三里捐貯社穀二千八百八石九升零設
立社長專司出納

俸工

南籠知府一員俸銀一百零五兩養廉銀一千
二百兩各役二十四名每名歲支工食銀六
兩共支銀一百四十四兩民壯一十八名每

南籠府志

賦役

六
五

名歲支工食銀六兩共支銀一百零八兩俱
赴司庫請領

經歷一員俸銀四十兩養廉銀六十兩各役四
名每名歲支工食銀六兩共支銀二十四兩
俱赴司庫請領

教授一員俸銀四十五兩各役工食銀三十二
兩八錢零俱赴司庫請領

訓導一員俸銀四十兩各役工食銀三十兩六

錢八分零俱赴司庫請領

額載廩生三十名每名歲支餼糧米四石共支米一百二十石係在府倉秋糧米內支領又每名歲支廩銀五錢共支銀一十五兩俱赴司庫請領

舖司三十名雍正六年詳請改設每名按大小建日給銀一分米一升折銀一分二釐俱赴司庫請領

南籠府志

賦役

七
五

賑恤

南籠府寒生無定名每年極貧一名給米一石次貧一名給米七斗其每石折銀五錢五分赴司庫請領

南籠府額內孤貧每名日給食米八合日給鹽菜銀五釐歲給棉衣褲各一米取給於官莊其塩菜棉衣銀赴司庫請領

南籠府志卷之四

知府西蜀李其昌敬伯輯

營建

城池書院

公署坊表

學校倉儲

壇宇磨汎

城池所以嚴禦守也公署所以肅臨蒞也學校所以崇師儒也壇宇所以報功德也書院所以觀絃誦坊表所以示風勸也倉儲所以濟歉荒磨汎所以重巡緝也既屬郡治缺一非宜况南籠為黔中遠服苗域要區匪盛受之崇隆而禦

南籠府志

營建

一
杏

守何據尚堂階之湫隘而臨蒞胡瞻師儒弗尊無怪城闕功德鮮祀徒曉鬼巫以致絃誦罔聞詎變蠻歌之習因而風勵未著孰矢筠節之操則時偶歉荒即矯詔而奚賈將地靡巡緝至伏莽以難除此體國經野者必因時因地以制宜而首重乎營建也今者邊鄙宏開體制咸備何以粉堞連雲當思設險之道矣何以飛翬聳漢當思莊蒞之儀矣何以觀政于環橋當思鸞旂

之止矣何以明裡而立墀當思俎豆之馨矣何以善樂群而芳綽楔也當思敬業之勤集義之美矣何以重廩積而斥埃封也當思鳧苾之採關析之防矣志斯志也是又在官斯土與隸斯土者

城池

南籠府舊城原為安籠所城隸安順府明永樂二年建週圍二百八十七丈一尺高一丈四

南籠府志

營建

二六

尺其基即古稱陵元堡也

國朝康熙二年重修復圯二十五年改廳裁所移安順府通判分駐於此雍正五年設府遂為府城舊制因仍規模狹隘府署倉獄俱隸城外北隅乾隆七年題建石城將舊城包括於內週圍一千二百零三丈計七里三分高一丈五尺脚寬一丈頂寬七尺女牆長八尺共一千二百零三垛門五東曰聚奎西曰

懷遠南曰從風北曰拱長其一為西便門城樓五傑閣凌空簷牙高啄甚屬宏麗壯觀城之形勢西北距于平陸可借綠海以為池東南漸高盤羅龍井桅杆二山之腰雉堞飛駐峰巒突出可畫疆而守登陴而卻其據勝然也然設險所以守國而體險之義有在于扼塞要害之外者語曰衆志成城又不可不綢繆于未雨矣

南籠府志

營建

三
三

公署

南籠府署在城北 文廟街舊為安籠所署康熙二十五年改設南籠廳署仍之雍正五年改府遂為府署八年知府黃世文十一年知府王元烈節次增修規模軒敞門三重堂三進儀門外左土地祠右監獄門內兩廊為六科辦事之廡內堂左側之書齋別室曲折迴廊位置有致余補葺重新以大堂為臨民之

所取尚書義顏曰顧畏並榜於柱以苗人皆赤子岩穴有青天之句內堂為賓客過從吏民稟訊案牘批答之處題以勿欺自勗而聯於堂曰綠海洗澄漱潤可分清牘案壽山峰峻瞻巖永藉奠苗疆時乾隆甲申桂月之中秋日

經歷司署在北大街舊北門內乾隆二十六年構左營守備舊署而新之門二重堂三進外

南籠府志

營建

四查

科房內書室俱屬完備

儒學署在文廟之右前明倫堂後室三間即為公署

提督學院行署在府東門外半里許大佛山麓門二重堂三進外考舍內書室俱屬全備週以棘牆規模宏敞

安籠鎮總兵署在城內南大街國朝康熙二

十三年建門二重堂三進內外宮廳悉備每

進左右向者各三楹迴廊由榭書齋別館為
賓客過從公退燕息之地右箭廳左為馬神
祠地勢宏敞堂階壯麗乾隆二十八年總鎮
焦騰漢重修

鎮標中營遊擊署在城內北大街門二重堂二
進廊房各三楹右一院為私室乾隆二十八
年遊擊靈泰重修

中營守備署在城內北大街門二重堂二進右

南籠府志

營建

五
卷

一院為私室年久傾圮乾隆二十九年守備
劉德元重修

鎮標右營都司署在城外西北隅門二重堂三
進廊房各三楹乾隆二十八年都司胡承英
重修

演武廳在西門外大教場前廳二楹後為公退
之室週以墻垣左城右山臺高勢敞更屬壯

麗雄觀

學校

南籠府學在城北府治舊屬安順廳附學於普安州 國朝康熙二十年通判魏執躬建

先師殿於城北海子邊三十九年通判張調鼎遷於今地建大成殿啓聖祠明倫堂五十二年巡撫劉蔭樞 題設廳學通判張士佳捐建兩廡戟門雍正五年改廳為府因為府學八年知府黃世文捐建櫺星門十二年知府王元烈捐修補葺規制完備名宦祠鄉賢祠附建于學

南籠府志

營建

六
壹

壇宇

先農壇在府城東門外雍正五年建壇位如制神宇一座木主高二尺四寸廣六寸上書先農之神每歲仲春有司致祭行耕藉禮

社稷壇在府城北門外壇制四方各二丈五尺高二尺一寸四出陛各三級壇上立石主二

高二尺五寸廣一尺厚半之埋於壇之正中
上露圓尖祭時仍用木主二各高二尺五寸
廣四寸五分一書大社之神居左一書大稷
之神居右每歲春秋上戊日祭

風雲雷雨山川壇在府城南門外壇位與社稷
制同木主三高廣分寸亦與社稷神主同一
書風雲雷雨之神居中一書山川之神居左
一書城隍之神居右合祀風雲雷雨山川仍

南籠府志

營建

七
矣

奉城隍神共祭

厲壇在府城北門外壇位如制木主高二尺五
寸廣四寸五分書府厲之神祭以每歲春清
明日秋七月十五日冬十月一日迎城隍神
主之

八蜡廟在府城東門外大佛山麓祠三楹正設
先嗇神位東上設司嗇神位餘六神稍退後
一尺分設左右神牌分寸稍殺一曰先嗇之

神二曰司嗇之神三曰神農之神四曰郵表
啜之神五曰猫虎之神六曰坊之神七曰水
庸之神八曰昆蟲之神八蜡歷代皆設壇壝
蜡祭百物之神悉索備饗禮經所稱祭百種
者也

闕帝廟在府城北門外殿宇廊廡俱備每歲春
秋二仲月夏五月十三日有司致祭一如典
禮

南籠府志

管建

卷八

城隍廟在府城南殿宇兩廡畢具朔望誕辰有
司主鬯如例

龍王廟在府城內東隅上據龍山下臨珠泉亭
建於中奉祀神位時祭如禮顏曰霖雨蒼生
雍正十三年知府王元烈題

忠義孝弟祠節孝祠同基在府城東門外

書院

九峰書院在府城北之魁星山舊為海潮寺之

前殿中塑 孔聖像傍列四配建設之年無可考乾隆十二年改為書院面臨九峯因以顏額前建魁星閣故山即以魁星名也寺祖六十石為掌教脩繕之資延師講學於中又為府城義學其增學舍擴膏火俾後進之士得以優遊講習人文蔚起儒林之休輝生川岳則將伯之助端有望於鄉之好義者特志之以昭講堂之權輿云

南籠府志

暨建

六九

坊表

節婦坊在府城北大街雍正五年為庠生桑蔚林之妻葉氏建

節婦坊在府城北門外化龍橋乾隆十七年為前明雲南開化守備劉體堯之繼妻任氏建
節婦坊在府城北門外化龍橋乾隆十七年為庠生劉遵道之妻王氏建

節婦坊在府城北大街乾隆十七年為庠生湯

嗣夏之妻景氏建

節婦坊在府城舊北門內大街乾隆十七年為
庠生楊高齡之妻周氏建

節婦坊在府城北鄉普坪市乾隆二十九年為
庠生葉榮之妻劉氏建

倉儲

府署前右側常平倉四座共十八間

府署頭門內左側常平倉一座五間

南籠府志

管建

卷二

府署一堂右側常平倉二座共九間

府署內箭亭前常平倉四座共二十三間箭亭

後常平倉三座共十七間

塘汎

狗場汎在府城東三十里路通冊亨

落壩塘在府城東北二十五里路通冊亨之羅

繁廠

大栗塘在府城東北四十里路通永豐州

洞洒塘在府城南十里路達石門坎

石門塘在府城南二十五里路達冊亨為通廣

西大道

木咱塘在府城西二十里路達洗革

洗革塘在府城西三十五里路達馬鞭田

馬鞭汎在府城西五十里路達龍廣

龍廣塘在府城西八十里路達普安州之黃草

壩為通雲南大道

南籠府志

營建

吉二

壩弄塘在府城北二十五里路達普坪

普坪塘在府城北四十里路達魯溝

魯溝塘在府城北六十里路達普安為通省城

大道

南籠府志卷之五

知府西蜀李其昌敬伯輯

秩官

官制

文職

官之設原以為民也乃柄分二府竟若道不相同各據其職而私之其如公家之事何夫民以養兵兵以衛民官之者其職異其道同也矧考官制于南籠更有分之無庸分者乎在昔之士司姑不具論自明永樂二年平夷

南籠府志

秩官

一七

設所而官以指揮軍屬屯戶則兵皆民也而親民之官咸職於武我

朝定鼎以來闢新疆定管制裁所設廳宏開府治官斯地者揆文奮武莫不各舉其職矣則秩官制於今日文則應以雍正五年改郡之知府始屬以經歷儒學前之通判名列安順府志無煩重載其政績茂著者附紀焉武則應以康熙四年設鎮之總兵始遊擊都守千

把總俱列焉凡以因地設官非徒榮以爵祿也昔人有言守道不如守官豈不以道為治軍民之綱官為治軍民之職與為鞠謀而體恤與為使勇而知方則守官不即以守道哉況屬苗疆官於此俱有稽查撫綏之責備志之以昭同舟共濟之義云

官制

南籠府原屬安籠所康熙四年分安順府通判

南籠府志

秩官

三二

移駐安籠督理兵糧康熙二十五年裁所歸安順府通判管轄名南籠廳康熙五十四年設立廳學撥普安縣訓導一員專司學校雍正五年政府設知府經歷外仍存通判一員佐理雍正八年裁通判設儒學官制始定知府一員雍正五年設

經歷司一員雍正五年設

教授一員雍正八年設

訓導一員雍正八年設

安籠鎮明為指揮千戶所順治十五年設城守

遊擊一員康熙四年設總兵一員駐鎮南籠

官制始備

總兵一員康熙四年設

中營遊擊一員

左營遊擊一員分駐普安州之黃坪

右營都司一員即右營遊擊改設

南籠府志

秩官

三

中營守備一員

左營守備一員分駐普安州之捧鮓

右營守備一員分駐普安縣之新城

千總六員

把總十二員

文職

國朝南籠府知府

黃世文字象緯福建晉江縣人監生雍正六

年四月任九年陞貴州分巡貴東道

王元烈字丕武山東諸城縣人舉人雍正十年八月任乾隆元年劾去

王遂字旣菴江南定遠縣人優生保舉乾隆二年閏九月任五年休致

楊滙字文源正紅旗漢軍監生乾隆五年十二月任十一年調大定府

許錫昌字疇五順天大興籍江南上元縣人

南籠府志

秩官

四

宗人府供事乾隆十三年三月任十六年休致

袁振緒字紹宗山東曹縣人歲貢乾隆十八年三月任二十二年休致

塞欽字奉若正白旗滿州繙繹生員乾隆二十三年九月任二十六年陞雲南迤東道

李其昌字敬伯四川成都縣人壬戌進士乾

隆三十七年十月任

國朝南籠府教授

劉世熹黃平州人雍正甲辰科進士乾隆三年九月任

李連璧印江縣人雍正己酉科舉人乾隆十年三月任

陳紳麻哈州人拔貢生乾隆十九年十一月任二十二年陞福建知縣

南籠府志

秩官

五

張祖恒清鎮縣人丙午副榜乾隆二十三年三月任

黃溉安平縣人恩貢生乾隆二十六年八月任

國朝南籠府訓導

商健文平越縣人拔貢生雍正六年七月任

姚儻正安州人恩貢生雍正十三年四月任

潘應澤安順府人歲貢生乾隆三年十二月
任

朱佩夔安縣人捐貢生乾隆八年四月任
劉文蔚黎平府人歲貢生乾隆十四年九月
任

夏朝鼎麻哈州人歲貢生乾隆二十年十一
月任

顧快大定府人歲貢生乾隆二十四年六

南籠府志

秩官

六

月任

國朝南籠府經歷司經歷

胡錫祖浙江仁和縣人吏員雍正七年七月
任十三年部推

周雲湖廣江夏縣人監生乾隆二年二月
任七年陞羅斛州判

謝沛生直隸大興縣人生員乾隆八年八月
任十七年陞黃草壩州判

周夢龍直隸大興縣人監生乾隆十九年九月任二十五年陞河南知縣

胡周城浙江山陰縣人吏員乾隆二十六年調二十九年三月任

武職

國朝安籠鎮總兵

王平字安侯陝西鄠縣人行伍原鎮守思南康熙四年設安籠鎮改調在任四載

南籠府志

秩官

七

譚詣字養元四川萬縣人世襲康熙九年正月任在任三載

吳啓豐字文源廣東海陽縣人例監康熙十二年任十五年休致

蘭泗字魯脉陝西富平縣人行伍康熙二十年二月任在任十五載休致

林孺字孝思福建安溪縣人行伍在任十年休致

李得勝字應符直隸順天人行伍在任十二年陞 鑾儀衛

張任傑字表千陝西西安府人行伍在任二年

線玉元字燦璋正紅旗人世襲在任八年
蔡成貴字觀侯湖廣襄陽府人行伍在任六年陞雲南提督

哈元生字天章直隸河間府人武生在任九年

南籠府志

秩官

八

年陞貴州提督

劉朝貴字偉績福建人行伍在任四年休致
崔善元字長人雲南人行伍在任三年調雲南普洱鎮

楊國華字文煥雲南人行伍在任三年調湖廣鎮桿鎮

張朝宣字言颺貴州平遠人科甲在任三年調廣西右江鎮

王友詢字贊元陝西人科甲在任三年調古州鎮

史載賢字聖傳陝西人行伍在任四年陞湖廣提督

宋愛字仁存甘肅寧夏人科甲在任三年調古州鎮

崔傑字人表陝西固原人行伍在任四年降直隸河間協副將

南籠府志

秩官

九

楊鐸字協木甘肅寧夏人行伍乾隆二十年任在任三年

誠德字行修正白旗人乾隆二十三年任在任二年

素成字質玉鑲黃旗人乾隆二十五年任在任一年丁憂

焦騰漢字凌霄甘肅寧夏府寧朔縣人進士乾隆二十六年七月二十日任

國朝中營遊擊

王印俊關東人行伍在任四年劾去

明國鼎陝西人行伍在任五年

關斌寧夏人行伍在任八年休致

招國遴廣東人行伍在任七年

姚貴河南人行伍在任五年

竇彤江南人科甲在任六年

吳嶷江南人科甲在任四年

南籠府志

秩官

合二

劉建功貴州安順人行伍在任六年調任

姚振邊陝西人行伍在任六年陞都勻參將

趙璧貴州貴陽人科甲在任二年參劾

宋朝相陝西人行伍在任四年陞都勻參將

馬國良四川人行伍在任三年劾去

冷文瑞湖廣人行伍在任四年陞撫標參將

李子昌四川人行伍在任三年陞八寨參將

解深浙江人行伍在任四年陞黎平參將

連國標福建人行伍在任三年休致

陳大提廣廣東人行伍在任三年

樊經文四川人世襲在任五年陞黎平參將

靈 泰字中安正紅旗人由護軍參領干乾隆

二十五年七月二十二日任

國朝中營守備

戚藍布正紅旗人在任五年劾參

丁舞鳳江南人行伍在任五年休致

南籠府志

秩官

二二

李楚明四川人行伍在任三年

胡 亮湖廣人行伍在任六年陞平遠遊擊

馮國禮四川人行伍在任八年

李柱國四川人行伍在任五年

張 雄江南人行伍在任四年參劾

李文仲四川人行伍在任半年征八達陣亡

趙思德鑲白旗人在任十年參劾

范錦文浙江人行伍在任三年參劾

姜必昌山西人行伍在任五年陞古州都司
張文賢陝西人科甲在任五年陞大定都司
賈鎮陝西人行伍在任一年

劉德元字善長山西直隸解州平陸縣人科

甲乾隆二十七年十月十八日任

國朝左營遊擊

陳京湖廣人科甲在任八年參劾

成一經湖廣人行伍在任二年參劾

南籠府志

秩官

三三

顧洪亮鑲黃旗人在任九年

桑格正黃旗人在任七年陞提標參將

趙陞符直隸人行伍在任六年劾去

劉占鰲貴州人科甲在任十年劾去

車果湖廣人科甲在任五年陞雲南參將

楊炤陝西人世襲在任三年調任碧赤營

薛隆紹山東人世襲在任三年陞撫標參將

鄭有得廣東人行伍在任二年休致

劉虎臣直隸人科甲在任二年參劾

張樹言字謙衡正黃旗人乾隆二十七年十

二月任

國朝左營守備

鄧定國四川人行伍在任八年休致

董卿山東人行伍在任六年征三江陣亡

左尚賢四川人行伍在任八年被劾

趙延宏四川人行伍在任七年

南籠府志

秩官

三

王得祿山東人行伍在任六年陞古州遊擊

王堡河南人科甲在任五年劾去

劉祚印陝西人行伍在任三年陞古州都司

吳傑陝西人行伍在任一年

吳士俊廣東人行伍在任三年

姚方昕湖北人科甲在任八年休致

孫楷直隸順天府昌平縣人行伍乾隆二

十九年任

國朝右營遊擊

乾隆十九年改都司

吳 表陝西人行伍在任一年

潘 珠浙江人行伍在任五年休致

馮 鎔福建人行伍在任九年休致

牟朝貴貴州威寧人行伍在任二年

鄔 錦浙江人科甲在任六年

陳登元福建人行伍在任六年

王之鳳直隸人行伍在任五年參劾

南籠府志

秩官

四四

郝文海陝西人行伍在任五年陞黎平參將

陳 懿河南人世襲在任四年陞陝西參將

陳 貴雲南人行伍在任二年劾去

樊經文四川人世襲在任二年於乾隆十九

年內 部議裁遊擊改都司調本標中營

遊擊

楊 璇雲南人行伍乾隆二十年任都司在

任三年軍政効參

胡承英字純武安徽池州府銅陵縣人監生
乾隆二十五年四月初三日任

國朝右營守備

姜 策浙江人行伍在任八年休致

蔡 昶山東人行伍在任六年休致

袁 極廣東人科甲在任九年休致

陳登元福建人行伍在任六年陞本營遊擊

章 奇貴州人行伍在任四年

南籠府志

秩官

五
全

高本揚雲南人科甲在任三年征苗疆陣亡

余聖言福建人行伍在任三年

甯得功山東人行伍在任三年劾參

王懷璣直隸人行伍在任六年調安南營

王啓祿直隸人行伍在任二年陞古州都司

馬世華江南松江府華亭縣人行伍乾隆二

十九年六月任

南籠府志卷之六

知府西蜀李其昌敬伯輯

選舉

進士

舉人

武舉

選拔

例授

行伍

科舉肇於隋承於唐盛於宋明至

國朝尤加隆焉蓋以糊名而閱撤棘而登猶不失夫古人公選之意也選拔通於辟召虞貢重以明經至例授兼收行伍並重取材之道俱備則士生今日寧事骭髀鳴高而嘆鹽車

南籠府志

選舉

六一

之終老哉南籠雖僻處苗疆春秋兩試莫不分道揚鑣舉凡名側六齋曾奪談經之席身登三舍同摩石鼓之文固不獨爛韜畧者例選干城輸金粟者並榮章服即庶人在官者亦叨一命之榮是臣家之恩施渥矣奉曠典而承寵錫者宜何如之報稱也類舉而志以昭立賢無方連茹彙征之吉云

國朝進士

李賢經字濟安府城內北街人中雍正七年
己酉科舉人庚戌科第二甲進士授翰林
院編修陞山西道監察御史

明紀舉人

張 瓚字士玉安籠北關外人附雲南曲靖
府學中弘治乙卯科舉人

國朝舉人

楊義表字利士府城外北街人中康熙五十

南籠府志

選舉

七二

九年庚子科第三名舉人任廣東長樂縣

知縣

鄒文程字士則府城內北街人中雍正七年

己酉科第二十四名舉人選錦屏縣教諭

請致未赴任

李昌隆字毓川府城內北街人乾隆元年丙

辰 恩科第三十名舉人任廣東廣寧縣

知縣丁艱起復分發陝西試用

周 岱字聲臺府城外黃土坡人中乾隆六年辛酉科第二十六名舉人任思南府教授

湯尚箴字敬一府城外北關街人中乾隆十五年庚午科第二十五名舉人任陝西華陰縣知縣

黃大有字應芝府城內東溝人中乾隆二十四年己卯科第四十名舉人

南籠府志

選舉

三六

蔣 蔭字洪宇府城外北鄉小屯人中乾隆二十七年壬午科第十四名舉人

國朝武舉

李 順字有直府魯屯人安籠鎮標兵丁中康熙五十年辛卯科第二十名武舉

葉本支字庶侯府城內大西街人附普安州學中康熙五十九年庚子科第七名武舉

景 增字東山府城內西街人中雍正元年

癸卯科第四名武舉

景 瑄字佑賤府城內小西街人中雍正十三年乙卯科第二十名武舉

王 環字濟淵府城內東溝人中乾隆十二年丁卯科第十九名武舉補曲尋鎮把總
湯賓伊字克聘府城外北關街人中乾隆二十七年壬午科第十四名武舉

明紀貢士

南籠府志

選舉

四
允

楊 掄字廷選安籠所人附雲南曲靖府學拔貢歷仕湖廣知府

吳守綸字士衡安籠所人與胞弟守紀附雲南曲靖府學同年應貢

周思宣字興中安籠所人附普安州學拔貢仕湖廣沅陵縣知縣

劉體堯字天如安籠所人附普安州學歲貢歷任雲南開化府知府

國朝拔貢

劉建吉字慎修府城內東街人雍正十三年拔貢任四川潼川府知府

李承綱字紹唐府城外北關街人雍正十三年拔貢中乾隆十五年庚午科第五名副榜任永從縣訓導

李體中字達用府城外西鄉新屯人乾隆六年拔貢任廣西懷遠縣知縣

南籠府志

選舉

五

劉昂字志幹府城內北街人乾隆六年拔貢任廣西天鵝縣縣丞

景殿颺字扶雲府城內小西關人乾隆十八年拔貢任湄潭縣訓導

國朝恩貢

趙秉璉字商玉府城內北大街人雍正元年恩貢選青谿縣教諭未任

余紹舜本邢姓府城內東街人寄普安州學

雍正元年 恩貢

趙世彭字元商府城內北大街人乾隆元年

恩貢

王 琬字灼然府城內北街人乾隆十五年

恩貢任蒼梧縣縣丞

楊仁謙字地山府城內北街人乾隆十六年

恩貢

尚建寅字三陽府城外北鄉尚家莊人乾隆

南籠府志

選舉

六

二十六年 恩貢

國朝歲貢

劉建邦字肇環府城外北街人選廣順州訓

導未任

徐 捷字元直府城外北街人選授貴定縣

訓導

楊運沛字沛然府城內西街人選授玉屏縣

訓導

鍾徽字覺宇府城小西關人選授石阡府

訓導

李謨字若三府城東鄉嶺七寨人選授都

勻府訓導

王世極字子扶城門人秦游字波友普坪人

劉賓成字文玉北街人景明字東昇北街人

趙元凱字虞賓東關口人李淳字華芝新屯人

湯尚清字元伯北關人李定中字若虞新屯人

南籠府志

選舉

三七

周德高字殿歧小西關人王玉字公璋北門人

張煥字惠菴西關外街人張試字殿颺北關人

邢維表字泗瞻東街人桑扶聖字魯瞻文廟街人

李鵬字鳳舉北關人趙世魁字星岸白泥塘人

周正楷字奎章西鄉人劉經邦字茲三海子莊人

張玉振字金聲北大街人王啓字思明黃土坡人

湯瑾字公瑜北關街人桑模字聖瑞北街人

楊義緯字利萬北關外街人王瑄字西池文廟街人

何 佑字玉懷

小西關人

范光朝字克俊

北關外人

國朝捐貢

王 琨字荆山府城外北大街人選授正安

州訓導

周 巒字紹基府城東關黃土坡人選授平

越府訓導

邢定銘字若盤府城北大街人選授廣順州

訓導

南籠府志

選舉

八

鄒 湛字宸川府城北大街人選授威寧州

訓導

楊昌齡字一鶴

小西關人

夏 瑞字雲祥

北大街人

李承緒字紹祖

北關街人

國朝史員

錢偉遠字太平府城外北關街人選江西南

昌府經歷

史世俊字相廷府城內東街人由史員捐選

江西吉水縣典史

國朝行伍出身

朱璣府城內東街人歷任山東登州鎮總兵

許應虎府城內南街人歷任至貴州威寧鎮總兵

張世英字鼎臣府城北門外馬家井人歷任至浙江嘉興協副將

南籠府志

選舉

九

周成謨府城內小西街人歷任至湖南衡州協副將

郭乾府城內小西街人歷任至貴州台拱營參將

王洪召府城內大西街人歷任至陝西北樓營參將

鄭純字一如府城內東溝人歷任至阿克蘇參將

王 文字爾遜府城內東溝人歷任至陝西
關山營遊擊

李有貴府城內南街人歷任至浙江提標前
營遊擊

羅起明府城東門外黃土坡人歷任至四川
督標右營遊擊

李遇春府城東門外黃土坡人歷任至江南
蕪采營遊擊

南籠府志

選舉

全 二

張 燦府城內東溝人歷任至福建邵武營
都司

魏應昭府城內大西街人歷任至直隸舊州
營都司

趙 璜府城內大西街人歷任至山西陽和
城都司

楊世貴府城內南街人歷任至廣西潯州協
都司

梁大能府城內南街人歷任至江西南康營
都司

彭世雄府城北門外馬家井人歷任至山西
平陽營守備

賀成祇府城內東溝人歷任至貴州古州鎮
右營守備

王成長府城西門外馬場人歷任至貴州清
江協右營守備

甯龍府志

選舉

二一
癸

徐文府城內夏家苑人歷任至雲南東川
營守備

金瑞生府城內小西街人歷任至貴州台拱
右營守備

蔣仕齊府城東門外黃土坡人歷任至廣西
鬱林營守備

樊英府城內小西街人歷任至雲南提標
右營守備

楊開運府城內小西街人任普安營分駐亦
資孔千總

孟士達府城內小西街人任安南營千總俸
滿候補守備

岳 禹府城內大西街人任安籠鎮中營把
總攻八達陣亡

孟士聰府城內小西街人任安籠鎮右營把
總攻台拱陣亡

南籠府志

選舉

三卷

劉鳳麟府城西門外馬場人任安籠鎮中營
把總攻古州陣亡

南籠府志卷之七

知府西蜀李其昌敬伯輯

人物

孝友
隱逸

節婦
流寓

壽婦

論南籠之人物者以選舉甲於他郡旁搜博採
悉登記載舍此若無可志矣抑知孝友節義之
事更有重於科名仕爵者乎千里一聖百里一
賢古且難之固未易語於窮荒僻壤之地也而
孝友節義者已歷歷可徵事寧以地囿耶古之
南籠府志

人物

一

人明天察地鑄宇鎔宙之偉業實自此事基之
是故儒之學學此也儒之行行此也能擴而充
典型具在風聲之樹權輿於斯其可以荒僻易
歎觀志者志之俾南籠於科名仕爵外更作千
人之英不虧萬物之備詎獨光主此域直可藉
為奕禩人物之鑑矣

孝友

王 瓚府城內東街人年十五父稼統卒母

高氏矢志撫孤琮璘珍俱幼惟瓚長家貧
勤務農事兼逐末奉孀母甘旨不缺弟妹
婚嫁必從厚體親心也母壽八十有九事
之如一日三弟俱入泮分自置之產各授
維均怡怡無德色生子三俱成立年八十
五以壽終有司為表其廬

事載通志

鍾

華府城內北街人為廳庠生父文明娶

張氏生子奇及英張卒華則李氏出也父

南籠府志

人物

二
允

歿年十二依寡母事二兄惟謹奮志業儒
雖家貧經營生計不輟攻讀奉甘旨之餘
有異味必與二兄共之兩兄繼逝遺子幼
視之若己子勉讀書至成名厥心始釋其
敦倫睦族有如此雍正丙午通判金訪表
其間曰孝友庚戌學憲晏斯盛以友于足
式獎之卒年六十八子孫俱克有成

張玉衡府城內北大街人年甫七齡父文光

歿辟踊^次慟幾欲絕及葬繞墓哀號依
依不忍歸人咸異之家素貧母楊氏寄居
族姓營十指以供三子衣食玉衡長愧無
以奉寡母而恐弟玉璣玉振之難以成立
也賈於市竭力為家計得上慈幃甘旨而
勉二弟之攻讀者玉振登歲貢焉衡承母
顏奉事惟謹楊氏暮年衰病交集侍湯藥
始終不懈請於

南籠府志

人物

三

朝旌以清標彤管孝子之心始遂母壽躋七旬
卒之日哭泣哀號如七齡時喪乃父狀弟
兄同居不分貲產姪男女婚嫁事獨肩之
族隣不能舉火者隨力周給排難解紛頗
有仲連風鄉評無間言乾隆二十三年據
事詳請匾以孝友可嘉可想見其為人云

夏

晏居府城之東街其至性有過人者年

甫十歲母病朝夕榻前煎奉湯藥飲食稍

進則喜否則愁淚交流及病勢沉迷每夜
稽顙北長祈以身代久之不應割股肉和
藥以進母病頓瘳時雍正十年事太守王
元烈聞之旌以孝童郡之紳士匾曰足徵
天性復為詩歌以永之嗣是勉學就讀至
不顧父母之養心耿耿不能釋因家貧養
殮每多不足之故棄儒業經營家計服勞
奉養竭力不倦歷三十二年卒子欽承十

南籠府志

人物

三四

五入府庠母壽今七十有六矣

節婦

葉氏府城內北大街庠生桑蔚林之妻性幽
靜工女紅十六年歸事孀姑邱承顏順意
曲盡孝思蔚林無恒產從事舌耕氏操勞
井臼佐以辟績邱顧之懽如也生子月正
月恒而蔚林卒氏年二十有五矢志奉姑
期撫二孤成立以盡婦職有欺其姑老子

幼強通媒灼者氏度強暴難拒鳴於官請
照守節益勵前操姑歿盡事盡誠雖貧以
勤讀教子迨月正補弟子員謂完此苦心
可見良人於地下矣歷年七十雍正丙午
具

題建坊旌表

任氏明雲南開化守備劉體堯之繼妻安籠
所人十九歸劉撫前妻子遵道如己出體

南籠府志

人物

五
三

堯卒氏年二十一生子遵德歲未及週矢
志守節有橫暴強求者官法懲之聞於撫
憲表以節勇能兼勉遵道學授室于王遵
道列名鬢序不壽王志姑之志氏哀之亦
自哀也孀幃苦況與媳共嘗歿年四十有
七乾隆壬申請

旌建坊如例

王氏安籠所庠生劉遵道之妻任氏之孀媳

也十九遵道卒生子定甫八月結縈三年
冰操自矢奉繼姑以孝聞家計日促井臼
獨操以分姑勞午夜青燈姑媳機聲直達
戶外聞者哀之任卒殯葬盡禮氏青年茹
苦撫孤成名志姑之志實自志其志也通
判張調薰匾曰節堅如玉享年七十有七
乾隆壬申同姑任氏請於

朝建坊以旌之

南籠府志

人物

六

景氏府城內北大街生員湯擎之母故庠生
嗣夏之妻也歸湯六載嗣夏卒年二十有
一生擎甫二歲哀夫家五世單傳僅遺貌
孤一脉矢志栢舟不為媒灼動其素念至
經回棧而家貧每甘茹荼以自勵丙夜機
聲借孤兒之書聲達旦不輟謂能成立始
不愧湯氏有後也苦歷六十四年子成孫
侍郡人賢之乾隆己巳

詔建坊褒旌

周氏府城內舊北街庠生楊嵩齡之妻嵩齡
歿氏年十九上有八旬之祖姑而孀姑之
年亦將半百視一歲之貌孤念妙年之寡
媳哀慟迫切莫知所從氏毅然矢志不渝
老姑幼子奉侍撫育事一身肩之畧無懈
色家本回裔姑死族沿舊例不用衣衾棺
槨氏爭之不已呼泣鳴官許從厚葬回俗
南籠府志

人物

七

為之一變子學海名列膠庠丸熊之力有
以成之也苦節三十餘年乾隆壬申請

旌建坊以表之

張氏府城東街劉必榮之妻性賢淑明大義
必榮家貧井臼操勞相夫子以供堂上甘
旨必榮歿張年二十有四生子淮歲始六
週而翁姑髮已垂白中鮮伯叔兄弟撐持
門戶張甘貧茹苦矢志冰霜勤紡績以佐

仰事俯畜之資子稍長度家計難支勉以經營末務翁姑年屆七十老且病維持左右湯藥不懈卒喪葬如禮淮生子四雖屢空之餘戒其子督課維嚴孫皆行成名立人咸以為節孝之徵乾隆癸酉具

題旌以清標彤管

楊氏府城內北大街張文光之妻年十六歲歸于張以未及重舅姑為憾結縈八載生

南籠府志

人物

八
五

三子玉衡玉璣玉振文光卒家無立錫之地寄居族姓時採苦菜合泔粥以充饑兼營十指之作供三子衣食族人憐其家貧子幼勸以再醮者氏斷髮自誓益勵堅操後玉衡稍長能持家計督以勤儉經營令玉璣佐理飭三子玉振專攻儒業晨夕訓戒子皆奮志有成克慰母心享年七十以壽終乾隆癸酉請

旌表以清標彤管

吳氏府城內舊北街庠生楊運明之妻克盡婦道孝事翁姑運明因父歿哀毀成疾臨終以老母幼子託吳慨然許之時年二十有六家貧典衣飾釵環佐以紡績為奉姑之資不忍以飲食私其幼子敬事三年不異初心姑卒喪祭如禮課三子讀稍嬉戲即責曰爾等不能成立我死亦難以見爾

南籠府志

人物

吳九

父於地下三子感之學業有成族黨咸曰吳於姑之生養死葬及三子之身列膠庠皆不負良人所託者乾隆癸酉上其事於朝旌以清標彤管

劉氏府城北鄉普坪街庠生葉榮之妻國學生洪春之母也年二十一甫生洪春而榮卒結縈僅二載耳老翁七十瞶且病繼姑陳年亦半百殘疾臥床外無伯叔兄弟內

鮮應門童僕翁姑疾病聲與孤兒呱呱聲
悲慘交集兼以家計蕭條蛩吟四壁雖健
婦當此亦難撐持矣氏矢志飲冰車翁姑
左右維持不以久病稍厭倦翁歿稱家殯
葬族有無知者欺其少寡私許游姓氏聞
之輒以釵刺面欲負子投河游感其堅節
悔之依病姑訓孤子餐風沐雨者十餘年
洪春長方解逐末而病姑死不以陳為繼
隆甲申

題建坊褒旌如例

壽婦

吳氏居府城內一百三歲之壽婦也生於康

熙元年之九月十八歲歸王廷甫生子二

年三十一廷甫卒勉持門戶辟續維勤奉

垂老之雙親續成子孝撫弱齡之二子兼
著又慈歷七十二載之霜晨揮百年五代
之槐蔭猶能健飯不待扶鳩乾隆二十九
年據事請

旌恩榮綽楔

隱逸

桑爾喬字擎乾附普安州學年三十以吳逆
之變不應偽試隱居南村結亭幽岩種竹

南籠府志

人物

二
頁

蒔花陶情詩酒絕跡城市者五十年南籠
別駕王國正字區其亭曰林泉高隱纔鎮林
孺贈以逸叟享年八十一終

流寓

王訪字方言遼東人以名進士任雲南彌
勒州牧避亂隱寓安籠其時籠地屢經兵
燹士學失傳方言講學明理籠士遊其門
者知學問自有真際今猶慕之

南籠府志卷之八

知府西蜀李其昌敬伯輯

藝文奏疏 附詩

史記不列藝文凡載於八書散見於本紀世家
列傳皆藝文也漢書始列其目然紀著書之姓
名而不及書至推本於尼山之微言七十二子
之大義其所尚蓋可知矣持是以談統郡邑而
徵之十難一二又何怪乎南籠之人士於百十

南籠府志

藝文

一
覽

年中以流寓而漸成土著音僅拾斷簡殘編於兵
燹之餘者乎欲其立言是以難也然既挾策窮
經寧曰徒弋科名當無畏其難而益勉其難豈
伊異人任耶抑所尚在此而不在彼耶語曰言
之無文行之不遠文固若斯之重也則凡紀載
衷於微言準於大義無相徑庭焉斯為布帛菽
粟用之久而不敝將匪是也胡乃爾取是以志
中姑缺之謹登一疏以見南籠之設學未久隸

郡方新人文有待於化成之意云

奏疏

設南籠廳學疏

國朝巡撫劉蔭樞

題為盛世之文教遐宣邊地之人才漸起請
援例設學以光治化以培士習事該臣看
得安順府屬南籠廳通判張士佳請設學
校臣批布政司遲所查議前來臣查南籠
廳雖是府屬人民錢糧該廳專管與州縣

南籠府志

藝文

三二

無異從前士子寄附別學適年以來人文
日盛理宜專設教員各行考試臣仰體

皇上崇儒育才至意籲請俯准照湖廣鎮溪所
之例設立學校以普安縣訓導專司學務
進取文武童生各八名廩貢隨照小學例
行其學宮明季原有舊制今改為義學時
加修葺舊制巍然兩廡大成門衙署該廳
通判自願設法捐修教官現有普安縣分

管南籠苗童之訓導該員專司膳夫門子等役分半跟隨俱不必另設官役俸工亦無增添學記照例頒給至春秋祀典餼糧花紅等項照各學現行例支給報銷則邊方聲教益隆士民歡騰彌切矣臣謹會

題康熙五十四年十月初六日奉

旨該部議奏欽此欽遵到部該臣等會議得貴州巡撫劉疏稱南籠廳雖係府屬而人民

南籠府志

藝文

三三

錢糧與州縣無異士子寄附別學理宜專設學校請照湖廣鎮溪所例設學等語查康熙五十三年內護理巡撫印務湖南布政使阿淋題請湖廣長州府屬鎮溪所設立學校臣部議覆在案今貴州巡撫劉應如該撫所請南籠廳設立學校自康熙

五十五年為始照小學例進取文武童生

各八名其出貢補廩俟人文繁盛該撫

題請到日再議至

文廟春秋祭祀等項於該廳地丁銀內動支
備辦每年造報奏銷可也康熙五十四年
十一月初六日

題本月初八日奉

旨依議

會議分界設府疏

國朝雲鄂爾泰
貴總督

南籠府志

藝文

三四

題為酌議黔粵劃江分界添設文員營汛以
安邊境以衛巖疆事雍正五年三月初三
日內閣交出奉

上諭上年八月內貴州安籠總兵官蔡成貴摺
奏廣西西隆州古障地方王尚義等與貴
州普安州捧鮓地方之苗目阿九等歷年
互爭歪染烏舍壩犁魯礮等寨於雍正二
年正月控告被擄無休及臣抵任即通咨

飭查蒙襲貴總督高其倬照准粵西撫臣
咨移行臣將阿九等設法擒勦臣思歪染
等寨未經審勘屬粵屬黔不便遽然用兵
請轉咨粵省撫提各委賢員於交界之地
研審踏勘並查歪染各寨錢糧現納何處
定案清理果係何目強梁再行擒治雖經
督臣高其倬行委普安州知州廣西撫臣
李紱行委西隆州知州訂期會勘無如托

南籠府志

藝文

五
三

故遲延至今未結推原其故因土苗自相
仇殺俱係外結例無考成是以頻年膜視
伏懇敕下黔粵撫臣另委廉能大員秉公
審斷以杜爭端嗣後審理兩省交界土苗
案件請敕部議定期限完結於邊方似有
裨益等語朕將蔡成貴奏摺發與鄂爾泰
令其定議奏聞今據鄂爾泰摺奏查得廣
西西隆州古障地方土目王尚義等與貴

州普安州捧鮮地方苗目阿九等歷年互爭丕染烏舍壩犁魯礫等寨於雍正二年正月控告焚擄無休兩年以來自前任督臣高其倬並貴州巡撫提鎮諸臣移行粵省撫提諸臣屢經咨催即何世璠到任後羽檄交馳無如西隆地多烟瘴該牧寄寓省城一歲中惟冬季暫駐其地而一切催徵事務又復倥偬遂至任催罔應則愆期

南籠府志

藝文

六

四

之咎多在粵省今准部咨令臣與何世璠委大員會勘隨委貴西道吳應龍前往並咨催粵西撫臣遴委大員遂即會審俟審定詳報到日臣等再當會議竊思鄰邊地方苗民雜處搶擄為常劫奪不已姑息因循釀成此習其故多由外結此至當不易之論臣分別流土考成使各有端責不致互相推諉遲延不結之處繕摺具奏經部

議覆在案至於黔粵之交原有大江為界
祇因犬牙相錯以致彼此紛爭今若劃江
而理江以南屬之粵江以北屬之黔則界
限井然防守稽查皆易為力庶幾兩省之
紛爭永絕又不獨完結目前案件等語鄂
爾泰既稱黔粵二省當以大江分界使各
加防守稽查則爭端可以永息令韓良輔
李紱前往雲南與鄂爾泰面商苗地事宜

着將黔粵分界事情一併會商妥議具奏
其土苗爭訟案件例由外結者應如何定
限之處亦着鄂爾泰韓良輔李紱議奏特
諭欽此欽遵交出到部移咨到臣當經移
行遵照在案臣等前赴安籠地方細加諮
訪面商酌議除土苗爭訟案件酌定例限
另疏外臣等會看得廣西西隆州泗城府
與貴州普安州南籠廳永寧定番二州地

方俱犬牙相錯土苗雜居以致爭佔地土
互相仇殺積案不清黔粵之交原有大江
為界欽奉

上諭着臣等將黔粵分界事情一併會商妥議
具奏欽此欽遵臣等查紅水一江實天之
所以限黔粵也粵西諸水皆清獨此江色
紅水濁諸水遇灘則紆迴迤邐勢多平行
獨此江奔騰湍激壯若黃河況發源於滇

南籠府志

藝文

三八

流入粵之西隆州境經東蘭那地等土司
入右江由潯梧經粵東之肇廣入海粵在
江南黔在江北南北釐然並無錯壤惟泗
城西隆兩處苗獠地方多有跨江而北與
黔省畛域相連村寨相間蠻性獷悍輕生
睚眦必報鎗銖必較黔員既難兼轄粵員
亦難遙制遂致仇殺劫擄紛擾無休今臣
等酌議黔粵兩省以紅江為界江以南屬

廣西江以北屬貴州使疆界分明更無淆混即或有爭奪案件事隸一省亦易於完結其南丹土州荔波等縣距貴州地方甚遠且素無爭奪毋庸劃分應將西隆州所屬之羅煩冊亨等甲共四甲半零二十二寨割隸貴州泗城府所屬江北之上江長垣桑郎羅斛等甲共十六甲亦割隸貴州此西隆泗城所割江北地方南北約三百

里東西徑六七百里地既遼濶民復兇悍若止歸併附近之黔屬州縣管轄不但鞭長莫及且恐向有仇隙各圖報復彼此不能相安應請於泗城對江之長垣地方設立州治添知州一員耑理吏目一員佐之學正一員專司訓迪東北羅斛四甲與貴州定番永寧二州相連土苗兇頑山谿尤險應設州判一員並將桑郎甲令其分理

即駐劄羅斛甲地方西隆州所割四甲半
有零除羅斛一甲剝弼下甲與州治相近
外冊亨龍渣二甲巴結半甲剝弼上半甲
相距寫遠而冊亨尤為難治應設州同一
員即將龍渣巴結等甲令其分理駐劄冊
亨甲地方州治應有武職防守新改流地
方又屬兩省交界尤藉兵威應設守城遊
擊一員守備一員千總一員把總二員兵

南籠府志

藝文

三〇

五百名以遊擊並千總一員兵二百五十
名防守州治以守備並把總一員兵一百
五十名防守州同所治以把總一員兵一
百防守州判所治以上官兵歸於安籠鎮
統轄所添之兵黔省各標鎮協營在在汎
廣兵單未便再行抽撥應請召募充補泗
城之北原有一肩作山山勢高險為黔粵
分界而黔屬之董家旗尾泗村龔趙二家

聖李家聖坡哈寨打村寨金井寨填草寨
及萬寨羅帕寨羅王村等十處迤東一線
穿入泗城腹裏甚為錯雜今江北地方既
改隸黔省應將此十寨一併於新設知州
管理更為清楚再安順一府原轄三州五
縣南籠一廳地方廣濶舊已鞭長莫及今
若再轄新設一州又增數百里之地勢難
兼顧除鎮寧永寧二州普定安平清鎮三

南籠府志

藝文

元二

縣仍聽安順府管轄外併請將南籠所屬
地方改為府治添設知府一員經歷一員
仍留南籠通判為之佐理將附近之普安
一州安南普安二縣並新設之一州俱歸
南籠府管轄則盤查倉庫批審案件得免
往返稽遲便於督催起解庶兩府分治事
可無悞又普安州之捧鮮地方有養馬箐

穿連三十餘里山勢嵯峨樹木幽密路徑

崎嶇蠻烟籠罩為三江之咽喉夷獯之要隘上江白雲壘峭岩壁立俯視各寨險峻異常惟有一徑可以紆迴攀援而上法岩寨山高十五里路險岩危歪染寨烟戶百餘家田多民富以故夷獯居險負隅若於捧鮮地方設立一營白雲壘之上撥弁員帶兵扼險法岩歪染二處設立大汛防守餘則相度形勢設汛安兵使之星羅棋布

會哨遊巡不惟黔夷可以控制即粵獯亦不敢起釁查黃草坵地界在捧鮮之內從無燒擄大案應即以駐防黃草坵之安籠鎮標左營遊擊一員千總一員把總一員兵三百名移駐捧鮮將原防捧鮮汛之把總一員兵五十名移駐黃草坵輕重緩急更覺得宜黃草坵民居稠密漢多夷少且距州遙遠必須文員管理應於普安州添

設州判一員分駐其地專理細事併管三江稽查奸宄遇有命盜重案仍報州審詳查黔省按察司衙門有經歷照磨二員並無執掌事件合將經歷裁汰即改設普安州判庶文事武備嚴密周詳而邊方漢夷得以安貼矣如蒙

聖恩俞允所設新州併請

欽賜佳名知府知州員缺仰懇

南籠府志

藝文

三三

皇上將記名能員補授或准臣於黔屬現任府廳州縣內揀選

題補遊擊守備千把可以酌量裁調不須添設其州同州判經歷吏目等官請

敕下部臣即行銓選並鑄給知府知州學正經歷印信遊擊關防以昭信守除塘汛城垣衙署等項俟勘估造冊另行具

題外所有會議劃江分界添設官兵事理臣

等謹會同具

題伏乞

皇上睿鑒敕部議覆施行

附詩

答南籠鄉人句書賀

國朝胡承英備園

可是風頰苦暗催抗懷柱史訪春臺李翺為柱下史作異

俗篇曰眾人熙熙如登春臺使君愛割陶園菊九月江西蓮花廳事

驛路芳傳庾嶺梅十月蒞南籠任早鑄南山成鐵索更

南籠府志

藝文

三四三

欽北海屬仙才鄉人莫問神明守恰自蓮花座上
上來

次韻答閩戎胡備園

國朝李其昌博溪

一官常畏簡書催能繼熙春溥化臺到處鵲車

多愧李李元紘多惠政每行鵲常擁車原唱有南山北海句故及憑開虎幕

更慚梅梅詢出守并州黃覺送以詩有暫開虎幕之句只今新隸黔南

府在昔頗煩蜀檄才用相如馳檄事蓋會唐蒙使署通夜郎也得借

雅歌餘論及補籠人共飲醇來神苗種類有補籠者

余蒞南籠公餘拈筆即事偶吟得五七言截
律檢其切南郡者附載於志敢謂山川藉
以生韻聊以紀其時物云漣溪李其昌識
九峯山

蠻烟狎嶂雲何處抬高眼天外數青峯華然標
九點

珍珠泉

可是合浦還迸出龍山下不滿弄珠心清光偏

南籠府志



藝文

三五

四射

綠海四首

即水可窮源況乃綠於海涵暉動碧虛此意無
人解其一

不有綠如許承流那漱芳渾然潛濟處天外寫

清光其二

衆流歸海意此水永澄清不改春波色堪酬萬

壑情其三

猶聞澈處沉海是何年綠在昔渾難明只今曉
湛若 其四

玉屏山

文案遠分天末外玉屏中立海平間直教水墨
都虛有雲母山頭十二環

雪齋登署中樓

倚檻寒、雲曉千門列畫城海虛冰壑迥樓靜雪
峯明徹夜花爭豔凌空齋合日清時聞三白少還

南籠府志

藝文

六
言

憶告豐情

小園春日

遲日小園中風光到處同直分天末外迥麗古
城東庭草依人綠春花得意紅早空烟瘴地翹
首彩雲籠

燕子來署中詩以諭之

又逐春風繞畫楹迎人猶是舊時聲雲軒脫去
非非想金屋歸來故故情度柳雨經寒食細趁

巢泥帶落花輕簾疎曾誤差池羽好認重門啟
處征

過普平市口占

環山風靜普平開四野苗人趁市來俗尚不分

男女積貨交無異米鹽該錙銖較值珍微息霹

塵豪吞酌大杯父老久忘搶劫地康熙二十二年

聚眾劫殺普平居民三百餘人直圍安籠城勦平之日斜時聽醉歌回

至日雪次坡翁詠雪韻甲申

南籠府志

藝文

三七

望氣迎寒暖氣纖火城翻作雪城嚴楷灰匝地

催灰瑄白虎澄宵印虎鹽素彩書雲參彩筆棧

層冰筋掛層簷用唐開元至日亞年榔俗占年

事正蓋撐霄五蓋夫榔州五蓋山至日以雪占

至後復雪二次仍次坡翁韻

至後連宵縷玉纖陽回極力鬪清嚴但教應世

能彌毒不惜漫空疊覆鹽罨畫瓊樓侵粉署安

排瑤域位茅簷真成三白符農諺紀瑞頻呵凍

筆尖

過盤江登鐵鎖橋樓

盤江霧湧間通遊鐵鎖橫波穩迨舟萬壑雷轟
奔澗底半天虹飲落峯頭風清古岸鞭投色

逆

昔曾月映征霜板跡秋喜上高樓聞牧笛蠻烟
吹破碧光浮

南籠府志

藝文

二六
三

南籠府志卷之末

知府西蜀李其昌敬伯輯

附外志

祥異
寺觀

苗患

明末遺事

既志矣胡為乎外之也外之云者以事非天地人物之常正志之所遺也然既遺矣又胡為乎志之而且附之也志而附之以有其事使不遺其事也不遺其事而復外之非泛也凡以志微云爾

南籠府志

附外志

三一

祥異

順治十八年安籠所旱歲大饑

康熙二年安籠所大水 十一年夏五月安籠

所民鄧鳳鳴妻一產三男 六十年七月十

三日雷雨大作青龍現於南籠城西之飛鳳

山蜿蜒風雲中經東北入綠海由午至申天

復開霽

雍正六年七月初七日五色慶雲現於南籠城

之西南其年大有

苗患

明永樂元年櫛鉢寨田夷賴子據陵元堡叛
調雲南曲靖普安大兵討平之設所建官兵
戍安籠自此始

弘治十一年普安夷酋米魯叛廣西西隆長
官司岑軾助師討平之割安籠所十八寨以
賞厥功因屬廣西

南籠府志

附外志

二
三

萬曆四十二年城東二十里阿能寨夷目郎
剛郎暴郎復號曰三郎弟兄作叛殺掠居民
射死西隆長官司岑峯佔踞十八寨田土畝巡
撫張鶴鳴檄總兵許齊勦擒渠魁執馘獻俘
瘞數十級于城北官道旁豎碑曰京觀以昭
炯戒

崇禎十二年城西十五里硬溪孔四姓夷苗
勾通雲南廣南府土獍寇安籠城幾陷千百

戶出奇兵前後攻戰退之

國朝康熙二年城北六十里昔邑寨夷目阿仲以妖術惑眾結連籠屬各寨勾通廣西泗城西隆諸寨夷目據地稱號劫掠普平市殺男婦三百餘人直抵安籠城城中守禦兵微不能敵居民夏士奇奔報雲南廣羅鎮總兵王會雲親提鎮兵二晝夜至安籠勦殺諸夷擒其渠魁斬之苗患始平

南籠府志

附外志

三

寺觀

東嶽廟在府城內南大街

玉皇閣在府城東門外迎春嶺

玉泉寺在府城東門外大佛山

文昌閣在府城西門外金星山頂

馬王廟在府城西門外演武廳後

北極觀在府城外西北之山丫嶺

魁星閣在府城北門外萬壽山隅

海潮寺在府城北門外魁星山後

三元宮在府城北關內

萬壽宮在府城北關外萬壽山

壽佛寺在府城北關外萬壽山麓

觀音寺在府城北關外海雲山頂

興隆寺在府城東鄉坡疊山

明末遺事

國朝初肅王誅張獻忠於蜀其軍師孫可望率

南籠府志

附外志

三四

衆奔黔據貴陽陷普安擅兵自雄明桂王由榔去廣西走貴州可望處之安籠所四年無人臣禮從臣吳貞毓張鏐周允吉楊忠徐極蔣乾昌李元開李頌朱議臬鄭允元趙賡禹蔡縝易士佳胡士瑞朱東巨任斗墟等憤甚與內侍張福祿全為國謀遣之滇南諭李定國共圖可望馬吉祥以事洩可望使鄭國王愛至安籠搆訊十八人同聲不屈遂被害時

人哀之收遺骸葬於城外之西山麓題其墓
曰明十八先生成仁處自是桂王入於滇時
順治五年至九年事也

南籠府志

附外志

附註

三 原作共二十三篇，係據北京本改。

三 北京本作四千二百五十五字。

三 北京本作一千一百一十九字。

四 北京本作四千八百四十字。

五 北京本作一千五百八十七字。

六 北京本作二千一百零六字。

七 北京本作二千三百八十五字。

南籠府志

附註

一
三

八 北京本作二千六百二十五字。

九 北京本作十八篇。

十 北京本作四千零九十五字。

三 北京本作九百四十一字。

三 原作畧。

三 原作纏。

四 原無「固寧無取」句，係據北京本補。

三 原作霰。

三 原作照，北京本作昭。

三 原作婦。

三 原作阿，北京本作河。

三 原作城，北京本作威。

三 原作陀。

三 原作室，北京本作資。

三 原作入，北京本作會。

南籠府志

附註

三一

三 原作田，北京本作凹。

三 原作隸，據興義府志改作逮。

三 原缺。知來二字，係照北京本補入。

三 原作似。

三 原作則。

三 原缺。五字，據北京本補入。

三 原缺。水字，據興義府志補入。

三 原作「二」，據興義府志改為「三」。

三 原作「普昧」，據興義府志改為「坡妹」。

三 原作「圍」，北京本作「圍」。

三 原作「概」。

三 原作「連」，北京本作「聯」。

三 原作「壯」。

三 原作「嚙」，據興義府志改作「銜」。

南籠府志

附註

三

三 原作「流」，據興義府志改作「留」。

三 原作「即」，據興義府志改作「地」。

三 原作「提」，北京本作「堤」。

三 原作「峽」，據興義府志改作「夾」。

三 原作「碗」，北京本作「碗」，亦誤。

三 原作「廠」。

三 原作「己戊」，據興義府志改作「巳」。

戌。

四 原作「擊」，據興義府志改作「鷲」。

四 原作「尚氣」，據興義府志應作「尚

氣力」。

四 原無「至」字，係照北京本補入。

四 原缺「銀」，據興義府志補入。

四 原作「口日」，據興義府志改作「日

給」。

南籠府志

附註

四
一

四 原作「二」，據北京本改作「一」。

四 原作「如」，據興義府志改作「成」。

四 原作「廠」。

四 原作「主」，據興義府志改作「地」。

四 原作「廠」。

四 原作「屬」。

四 原作「廠」。

四 原作「劉得元」，據興義府志改作「

劉德元

七 原作「廠」。

八 原作「樞」，北京本作「櫺」。

九 原作「右左」，據北京本改為「左右」。

。

十 原作「啜」。

十一 原作「遺」，據北京本改作「贖」。

十二 原作「嚮」，據興義府志改作「饗」。

南籠府志

附註

三五

十三 原作「是」，據興義府志改作「又」。

十四 原作漏「備」字，據興義府志補入。

十五 原作「廂」。

十六 原作「招國璘」。

十七 原作「陳大傑」，據興義府志及北京

本改作「陳大捷」。

十八 原作「廂」。

十九 原作「張又賢」，據興義府志改作「

張文賢

原作「劉得元」，據興義府志改作「

劉德元」。

三 原作「廂」。

三 原作「董鄉」，據興義府志改作「董

御」。

三 原作「蔡郎」，據興義府志改作「蔡

朗」。

南籠府志

附註

六

三 原作「雍正二年」，據興義府志改作

「雍正元年」。

三 原作「刑」。

三 原作「畢明」，據興義府志改作「景

明」。

三 原作「刑」。

三 原作「王瞻」，據興義府志改作「王

瑄」。

㊦ 原作『刑足銘』，據興義府志及北京本改作『邢定銘』。

㊧ 原作『宸川』，據興義府志及北京本改作『宸川』。

㊨ 原缺『內』字，據北京本補。

㊩ 原作『素』。

㊪ 原作『赤資』，據興義府志改作『亦資孔』。

南籠府志

附註

七
亥

㊫ 原作漏『氏』字，據興義府志補入。

㊬ 原作『躡躡苦茨』。

㊭ 原作『擘』。

㊮ 原作漏『備』字，據興義府志補入。

㊯ 原作『擘』。

㊰ 原作『王國禎』，據興義府志及民國

通志改作『王國正』。

㊱ 原作『土住』。

五二 原作「邱」，據北京本改作「印」。

五三 原作「連」。

五四 原作「遊」，據北京本改作「遊」。

五五 原作「澄積濁咸更」，據興義府志改

作「此水永澄清」。

五六 原作「里」，據興義府志改作「壑」。

五七 原作「日」，據北京本改作「日」。

五八 原文及附註均作「彬」。

南籠府志

附註

八

五九 原作「便」，據北京本改作「使」。

六〇 原作「郎很」，據興義府志改作「郎

很」。

六一 原作「上」，並漏一字，據北京本改

作「出土」。

六二 原作「張鳴鶴」，據乾隆貴州通志及

北京本改作「張鶴鳴」。

六三 原作「考」。